

SERENISSIMO AC POTEN-
TISIMO PRINCIPI AC DOMINO,
Dn.

FRIDRICO
BOHEMIÆ REGI

INCLUTO;
COMITI PALATINO RHENI;
S.R. IMPERII ARCHIDAPIFERO

ELECTORI, VICARIO;
UTR. BAVARIÆ ET SILESIÆ
DUCI;

MORAVIÆ AC LUSATIÆ
MARCHIONI;

Principi Sapientissimo, Fortissimo,
Piissimo,

SILESIAM

In eaque Metropolin
VRATISLAVIAM

Homagi accipiendi ergò

feliciter ingredienti,

humilimã adclamatione gratulatur

CASPAR CUNRADUS

Phil. & Med. D.

A C. clc. lcc. XX.

DIVO FRIDERICO I.

REGI BOHEMIÆ SERENISS.

Potentiss.

PATRI PATRIÆ

Gratioss. Fidis.

Religionis Vindici

Fortiss.

Libertatis Adsertori

FeliciSS.

DOMINO SUO

Clementiss.



*T*as est pia vota tibi, Rex inclute, ferre,

Et numeris aditum concelebrare tuum;

Unanimi dum quadruplicis tibi nomine gentis,

Cum Regno & populis Boema corona datur.

Dum Moravos visens, submissi pectoris arrham,

Accipis, & fidam dasq; capisq; fidem.

Elysi dum contendens ad pingvia campi

Jugera, Principibus Te Statibusq; datas.

O faustum te REGE solum! te PATRE Clientes!

Qui dedunt iussis subdita colla tuis.

Suscipe me minimum, Rex Clementissime, Vernam,


Et devota mea suscipe vota lyra.

Sic faveat REGIS REGUM tibi gratia dia,

Atq; beet Regni sceptrum verenda tui.

A 2

Sic



80041/2 G5t

*Sic, uti saluus ades, saluus tua collige jura,
Et saluus Lusatos sic quoque vise tuos.
Sic visis Moravis, Silesis, Lusatisque dicatis,
Splendida Czechiaci te clare vise soli.
Sic saluus salvam REGINAM vise pientem;
Sicque recens natum, Rex pie, vise DUCEM.
Sic tibi dia SALUS faveat, Rex maxime, sic te,
Hostilis fugiat, nil noceatque manus.*

AD DEUM OPT. MAX.

PRO FRIDERICO I. REGE

BOHEMIÆ GRATIOSISSIMO.

*Q*ui Reges reprobas, qui transfers Regna, JEHOVAH,
Regnorum & Regnum Rex simul ac Dominus;
Adfere Boemorum, contra ausa tyrannica REGEM,
Atque tuâ stabili sceptrâ verenda manu.
Non Papa, non Pape manceps, non quicquid ab Orco
Pendet, & humane traditionis ope,
Te contra Regemque tuum, populumque pusillum
Quid pote, si Satana plena canistra vomat.
Nempe capistra manu jamdudum injecta potente,
Cum fremitu & gemitu gens ea tota terit.
Vivat Rex noster! vivat FRIDERICUS! ovetque
Contra, illum contra qui mala, teque, ferunt.
In templis sic, foras, tuis Pax alma vivebit;
Sic erit in nostris adibus alma quies.

SE--

SERENISSIMO FRIDERICO I.

REGI BOHEMIÆ, &c.

*C*um Boemis si forte catis oculata fuere,
Lumina seu Moravum, si ve Silesiadum;
Nunc equidem (cor idem Lusatis) oculata fuere,
Cum Boemis Moravum Lumina & Elysidum.
Dum fasces, FRIDERICE, tibi, sceptrumque Bohemum,
Votorum summâ contribuere pari.
Virtutum Oceanum concurrere scilicet in te,
Hac vidit simili juncta quadriga fide.
Es pius, es sapiens, es fortis, es inclutus, atque
Ut clemens miseris, sic rigidusque malis.
Justitia es Praestes; solidi defensor es aequi;
Sobrietatis avens, & probitatis amans.
Pacis es adsertor; bellorum infensus es hostis:
Pro grege justa tamen; legeque bella geris.
Religio imprimis cura tibi Biblide fulta:
Contra odio est, hominum traditione tumens,
Fers tamen, atque illi defers habitacula tuta,
Dum metas intra, pacis amica, manet.
Sic Rex es Regno; Pater es sic Civibus; es sic
Dis tutando bonos, Dis tolerando malos.
Vive, o Rex fortis! vive o Pater inclute! Dis o
Vive, & mortales vince favore Deos.

AD EUNDEM FRIDERICUM REGEM
BOHEMIÆ POTENTIS.

A. 3.

Publi-

Publica quum Regem Te vox, FRIDERICE, referret,
Pugnarunt dubia Sol pluviaq; vice.
Scilicet alternis adfectibus invicem agebant,
Quos manet imperii jusq; thronusq; tui.
Discussit nebulas, pluviosaq; nubila Phœbus:
Te duce nil discors; congrua quaq; vigent.

AD JOVAM

Pro felici FRIDERICI I. REGIS BOHEMIÆ
Pientissimi Vratislaviam adventu.

IOVA fave! FRIDERICUS adest, Rex optimus ille,
Qui parat adstrictis addere rebus opem.
Cum Pietate Fides hunc stipat, & incluta virtus;
Ponè serenatis Pax ovat alma comis.
Ite procul, procul ite mina, furor, arma, necesq;
Annihilant vestros Jovæq; Rexq; dolos.

DE EIUDEM.

FRIDERICI I. REGIS GRATIOSISSI-
mi, Vratislaviam adventu.

Annuit optatis Jovæ potentia nostris;
Salvus & incolumis REX FRIDERICUS adest:
Bia Pronæa suo sic omnia porrò favore,
Dirigat, & ceptis annuat alma piis.

No-

Nomine ceu Pacis dives, re sic erit ille:
O Pax! ô nostro vita quiet a solo!

DE EIUDEM

EODEM FELICISSIMO
adventu.

Quod benè vortat! obe Breslæam visit ad Urbem,
Boëmo-Palatini faxq; jubarq; soli!
REX FRIDERICUS amor Pietatis; Pacis amator;
Gloria virtutum; Gloria Pieridum.
Latitiâ exsultent, quos luctus inante gravavit,
Proq; novo hoc DOMINO publica vota ferant.
Æstuet armorum strepitu Mavortia Erinnys,
Et furias omnes è Phlegetonte trahat.
Quem Deus elegit Regem, sceptraq; beavit,
Eius & imperio fata secunda dabit.
Hoc vovet, hoc optat Bresla, pius omnis in Urbe:
Cui mens est sequior, num pius esse queat?

AD BRESLAM PATRIAM

DE FRIDERICI I. REGIS FOR-
tissimi felicissimo adventu.

REX FRIDERICUS adest! jo! plaude Budorgis a-
Et resera portas læta libensq; tuas. (mæna!

Nam

*Namq, quod optatis vovisti pluribus antè,
 Hoc cum REGE simul sistitur omne tibi.
 Aurea Libertas; Pax aurea Religioq,
 Cum sanctâ heic ponent castra cupita Fide,
 Turbonum procul esto cohors, procul esto, vasfrorum,
 Et quæ candorem cetera monstra gravant,
 Exsulet, invidia cum, diffidentia fallax,
 Linguaq, quæ Satanâ progenerata patre,
 Dulcis amor, sincera fides, mens congrua labris,
 Diffona conjungent mutuitate novâ.
 Urbis cum portis portas sic cordis apertas
 Præbe adventanti, celsa Budorgis, Hero.
 Sic externa domos Pax consociabit amœnè:
 Sic animos intus consociabit amor.*

De
 FRIDERICI I. REGIS GRATIO-
 filissimi faustissimo Breslam ingressu.

*P*Laudo & laudo DEUM! Breslam REX inclutus intrat:
*Adfulget nostris Sol novus ecce focus.
 Horrida bellorum nox transit, horrida fraudum:
 Discussis nebulis REX FRIDERICUSovat.
 Vana superstitio cedit, ritusq, Papales:
 Pristina Simplicitas, Religioq, vigent.
 Ite procul, Pape qui somnia vana morantes
 Antiquæ fugitis Religionis opes.*

Quàm

*Quàm procul à CHRISTO Papa cum glomeramine raso,
 Tam procul à vero vos trahit ille bono.
 Quisquiliis igitur missis Papalibus, Uncti
 Vestri huius comites cingite ponè latus.
 Hoc duce Libertas vestris redit aurea templis,
 Firmior & teneris mentibus escapet.
 Qui non convictu satiari discupit isto,
 Ad Verum veram non habet ille famem.*

De
 FRIDERICI I. REGIS BOHEMIÆ
 fortissimi Vratislaviæ ingressu
 VIADRUS.

*M*œnia dum BRESLÆ caro cum Fratre salutat
 Major honoratis REX FRIDERICUS Avis;
 Adurgens VIADRUS, cupidus tanti hospitis antè,
 Fluctibus hic illuc luxuriosus, ait.
 Quis novus hic nostras properat Neptunus ad undas,
 Illustrans radiis ima profunda suis?
 Fallor? an & NICER hic sinuoso tramite flectit,
 Atq, Palatinas advehit almus opes?
 Alluit an NICRO concors MOLDAVIA dives,
 Atq, Bobemorum sistit amœnus HERUM?
 O FRIDERICUS adest, Rex maximus optimus ille!
 Cui paucos vidit Patria nostra pares:
 Illa suos Reges extollant flumina, & illa:
 Hunc ferar in REGEM, dum mihi gutta super:
 B Allu-

Allusio ad Nomen.

FRIDEHRRICHI REGIS BOHE-
miæ Gratosissimi.

Imperio, FRIDERICE, tuo populog, frequenti,
Sunt tria, quæ spondent nominis orsa tui.
Est Pax, est & Honor, plenog, opulentia cornu,
Gratius haut quidquam quæis vagus Orbis habet.
O te felicem triplicato hoc munere Regem!
Quo populis poteris complacuisse tuis.
O Pax concordēs sic adserat aurea Cives!
Et fuget à terris bella cruenta tuis.
Sic Honor, & virtus, & honestas publica crescat;
Sic pietatis amor, sic probitatis epos.
Sic tellus sua farra ferat, sua gramina campus,
Atq, suis tua ovet gens opulenta bonis.
Sic populus tecum felici hoc nomine gaudens,
Pacis, honoris, opum munere dives erit.

FRIDERICO I. REGI BOHE-
miæ verè Augusto.

Augustum quis te, REX inclute, dicere nolit,
Cui nihil, Augustum nî, pia fata ferunt?
Augusto satus es proavorum stemmate REGUM:
Et satus Augusti mensis es in medio.

Augu.

*Augusta virtute nites & robore mentis;
Augusti hinc REGIS Filia. Sponsa data est.
Augusto quoq, mense tibi nil tale volenti,
Augustum solum terra Bohema datat.
O sic Augustus tibi nomina mensis honorum
Plura det, augustis porrò beetq, bonis.
O minor, Augustos superabis fortiter omnes;
Augustog, cluens nomine, plura feres.*

AD

FRIDERICVM I. REGEM BO-
hemiæ Sapientissimum.

Non Helice sic monstrat iter, Cynosuraq, fulgens,
Navita quum dubiis per mare fertur equis;
Ut varias rerum facies Sapientia Regis
Ponderat, & cautâ cum ratione regit.
Fascinat hunc præceps Audacia ad improba facta:
Huncce suum ad genium dira Libido trahit.
Perfrictam vibrat huic petulantia perditam mentem:
Huic comes it variis Fraus adoperta dolis.
Exoculat mentes hominum Phlegetontia Circe,
Atq, agere hunc aliud, hunc aliudq, jubet.
Omnibus in vitium mens prona est atq, voluntas,
Pro lubitu &, Notus ut, quâ data porta, ruunt.
At tot monstrorum latebris quis monstret abire,
Nî Sophia huic ductrix præviet arte suâ

B 2

Tu

*Tu multis, FRIDERICE, aliis Rex Regibus anteis,
Qui Sophiæ ductu dux populo ipse præs.
Hinc Eris, hinc Ate, Furor hinc, hinc Martia Mola
Exsulum à regnis quærit, habetq; tuis.
Pax contrà alarum sub tegmine sancta tuarum,
Cumq; Fide Pietas Religiosa viget.*

IN
REGNI BOHEMIÆ
Insignia,

*G*ENS Aquilis gavisâ nigris Bojema tot annos,
Mavortî sternens obviam quæq; manu:
Desertis aquilis tandem gavisâ Leone,
Candidus in rubro qui saliebat agro.
Non satis unus at hic: Leo jungitur ecce Leoni,
Par Candore velut, sic animiq; bonis.
Caruleo in chypeo celestia hic ense tuetur,
Sanguine dum reliquas ille tuetur opes.
Ha bene! conjunctis ubi agent sic omnia nervis,
Dic, Boemos contra quæ ferat arma manus?

IN
LEONEM BOHEMICUM.

*C*onclusum spinis Czechicum tricisq; Leonem,
Et misere arclatum fraudibus atq; dolis,

Vitid

*Vidit ut, indoluit LEO Nicri flumina propter,
Adflicto meditans, ritè vocatus, opem.
Saucius occurrit Medico Leo, membra, Leoni,
Ostentans scævâ vulnera facta manu.
Obligat ille isthæc, suaviq; malagmate mulcens,
Obligat imperio membra levanda suo.
Ite fera, procul ite, pio male-tuta Leoni
Pectora, & Hispani jugera adite soli.
Frustrâ unum contrâ qui protulit arma Leonem,
Cum duplici frustrâ bella Leone geret.*

DE
PALATINI ET BOHEMICI
Leonis felicissimo conjugio.

*S*E Czechico jungens sociali jure Leoni
Ille Palatini Duxq; Leoq; soli,
Impedit auratâ se juxtâ, illumq; catenâ,
Et non solvendam datq; capitq; fidem.
Vix corpus coit par istud nobile in unum,
Fetibus ut turgent atria plena novis.
Iussit hinc prodit librâ gladioq; decora,
Jure malos cogens, jure juvansq; bonos.
Hinc niveis Pax dulcis equis, oleaq; virente;
Aurea Libertas hinc, & avita Fides.
Religio suppressa diu, Verumq; verendum
Sustollunt niveas, conjugio hocce, comas.

B 3

Boemio.

Boemo-Palatinus sic o Leo porrò vigescat,
Hostibus à victis leta trophaea ferens!
Invidia angvinos motetq, trahatq, capillos,
Et vomat iratas perditio ab ore minas.
Qui parili junxit geminos ardore Leones,
Adferet aduersus quolibet ausa DEUS.

AD
FRIDERICUM I. REGEM
Bohemiae, Heroa Magnanimum, For-
tissimum, Piissimum.

Magnanimum quis te, Rex maxime, dicere nolit?
Quis fortem nolit dicere! quis uepium?
Magnanimis firmâ te mente Leonibus equas:
Præ reliquis isti robore nempe valent.
Quattuor illorum tibi junctis viribus adstant,
Inq, tuum cœunt mutuo amore bonum,
Inde Palatino Leo se Anglicus ille Leoni
Ob thalami jungit pacta secunda tui.
Belgicus hinc sociis Leo subuenit impiger armis,
Nassovianæ Principis ausa sequens.
Bojemum miserè arctatum DEUS ipse Leonem
Excitat, atq, tuam querere cogit opem.
O fortem verè te tanto hoc robore Regem!
Quamquam plura tuam hanc ops iuvet undiq, opem.
Ac DEUS in primis, cui fido pectore adherens,
Eius ab auxilio nomina prima capis.

Adse

Adferat hic Regnumq, tuum, populumq, dicatum,
Inter & hostiles protegat ipse manus.
Hoc tutore LEO frustra est, qui tartara servat,
Rugiat ut, nostræ perditionis auens.
Ille tribus Judæ LEO & hunc, & tartara vicit:
Ille Leonum ardens porrò iuvabit opus.
Qui pugnant isthoc victore LEONE Leones,
His Leo dis armis nescit obesse suis.



10
SERENISSIMO AC POTENTISSIMO
PRINCIPI AC DOMINO, DN.

FRIDERICO,
BOHEMIÆ REGI

INCLUTO;

COMITI PALATINO RHENI;

S. R. IMPERI ARCHIDAPIFERO,

ELECTORI, VICARIO;

UTR. BAVARIÆ ET SILESIAE

DUCI;

MORAVIÆ AC LUSATIAE

MARCHIONI;

Principi Sapientissimo, Fortissimo,

Piissimo,

SILESIAM

in eaq; Metropolin

VRATISLAVIAM

HomagI accipiendi ergò

feliciter ingredienti,

humillimâ adclamatione,

gratulatur

CASPAR. CUNRADUS

Phil. & Med. D.

A. C. clō lōc XX.